

REGIONE AUTÒNOMA DE SARDIGNA

PRESIDÈNTZIA

Ordinàntzia n. 10 de su 23 martzu 2020

Chistione: Coordinamentu de sas istruturas e de sas cumponentes de protetzione tzivile e atuatzione de sos interventos urgentes e de sucursu in consequèntzia de s'arriscu sanitàriu ligadu a s'insòrgere de patologias dae agentes virales trasmissibiles. Ordinàntzia in cunforma a s'art. 8 de sa L.R. 3/1989 comente sostituidu dae s'art. 4 de sa L.R. 9/2020, in matèria de protetzione tzivile in su territòriu regionale de sa Sardigna.

SU PRESIDENTE

BIDU s'art. 32 de sa Costituzione;

BIDU s'Istatutu Ispetziale pro sa Sardigna e sas normas de atuatzione chi li pertocant;

BIDA sa lege regionale 7 ghennàrgiu 1977, n. 1 chi tratat "Normas subra de s'organizazione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales";

BIDU su decretu legislativu de su de 2 ghennàrgiu 2019, n. 1 chi tratat "Còdighe de protetzione tzivile";

BIDA sa delibera de su Consìgiu de sos Ministros de su 31 ghennàrgiu 2020, chi decrarat, pro ses meses, s'istadu de emergèntzia natzionale pro s'arriscu sanitàriu ligadu a patologias dae agentes virales trasmissibiles;

BIDA sa lege regionale 17 ghennàrgiu 1989, n. 3 chi tratat "Interventos in matèria de protetzione tzivile";

BIDA sa lege regionale 9 martzu 2020, n. 9 chi tratat "Dispositziones urgentes pro parare fronte a s'emergèntzia pro s'arriscu sanitàriu ligadu a patologias dae agentes virales trasmissibiles", e mescamente sos art. 3 e 4 de sa lege mentovada subra chi sostituint sos art. 7 e 8 de sa L.R. 3/1989;

BIDOS sos decretos lege 23 de freàrgiu 2020, n. 6, mudadu cun modificatziones cun sa lege 5 de martzu 2020, n.13; 2 martzu 2020 n. 9; 9 martzu 2020 n. 14; 17 martzu 2020 n. 18;

BIDOS sos decretos de su Presidente de su Consìgiu dei sos Ministros 1 martzu 2020, 4 martzu 2020, 8 martzu 2020, 9 martzu 2020, 11 martzu 2020;

BIDAS sas ordinàntzias contingibiles e urgentes de su Presidente de sa Regione Sardigna, in cunforma a s'art. 32, comma 3, de sa lege 23 de nadale 1978, n. 833 in matèria de igiene e sanidade pùblica n. 2 de su 24.02.2020, n. 3 de su 27.02.2020, n. 4 de s'08.03.2020, n. 5 de su 09.03.2020 e sa nota esplicativa chi li pertocat n. 2593 de su 13.03.2020, n. 6 de su 13.03.2020, n. 7 de s'08.03.2020, n. 8 de su 13.03.2020, n. 9 de su 14.03.2020 e esplicativa chi li pertocat n. 3EM de su 16.03.2020;

BIDA s'ordinàntzia de su Cabu de su Dipartimentu de sa protetzione tzivile de su 3 de freàrgiu 2020, n. 630 chi tratat "Primos interventos urgentes de protetzione tzivile pro su chi pertocat s'emergèntzia de arriscu sanitàriu ligadu a patologias dae agentes virales trasmisibiles" e mescamente s'art. 1 chi disponet chi su Cabu de su Dipartimentu de sa protetzione tzivile asseguret su coordinamentu de sos interventos netzessàrios, avalende-si, intre sos àteros sugetos, de sugetos atuatores chi agint in cunforma a diretivas ispetzificas;

BIDU su decretu de su Cabu de su Dipartimentu de sa protetzione tzivile n. 627 de su 27 de freàrgiu 2020 chi tratat "Nòmina de su Sugetu atuatore pro su coordinamentu de sas atividades postas in èssere dae sas istruturas de sa Regione Autònoma de sa Sardigna, cumpetentes in sos setores de sa protetzione tzivile e de sa sanidade, impignadas in sa gestione de s'emergèntzia chi pertocat s'arriscu sanitàriu ligadu a patologias dae agentes virales trasmisibiles" chi nòminat su Presidente de sa Regione Autònoma de sa Sardigna sugetu atuatore in cunforma a s'art. 1 c.1 de sa OCDPC 630/2020;

BIDA s'ordinàntzia de su Cabu de su Dipartimentu de sa protetzione tzivile n. 639 de su 25 freàrgiu 2020 chi tratat "àteros interventos urgentes de protetzione tzivile pro s'emergèntzia pro s'arriscu sanitàriu ligadu a patologias dae agentes virales trasmisibiles";

LEADU A CONSIDERU chi in atuatzione de s'art. 3 de sa OCDPC 639/2020, est autorizada s'abertura de contabilidade apòsita ispetziale intestada a su Presidente de sa Regione Autònoma de sa Sardigna, in calidade de sugetu atuatore in cunforma a s'art. 1, comma 1 de s'OCDPC 630/2020;

LEADU ATU de comente s'est ismanniende s'epidemia, e chi s'est difundende fintzas in su territòriu de sa Regione Sardigna;

LEADA A CONSIDERU chi chere coordinadas cun urgèntzia sas cumponentes e sas istruturas regionales de protetzione tzivile cun cussas istatales e locales presentes in su territòriu, pro assegurare, pro mèdiu de iniziatives de caràtere istraordinàriu, sos interventos urgentes e de sucursu ligados a a s'emergèntzia chi b'est;

DADU ATU de sa deliberatzione de sa Giunta regionale n. 13/25 de su 17.03.2020 chi tratat "Coordinamentu de sos interventos urgentes e de sos servìtzios de sucursu pro s'arriscu sanitàriu ligadu a patologias dae agentes virales trasmisibiles. Decraratzione de s'istadu de emergèntzia de importu regionale in cunforma a su comma 4 de s'art. 7 de sa L.R. 3/1989, comente sostituìdu dae s'art. 3 de sa L.R. 9/2020";

LEADU A CONSIDERU chi, in cunforma de s'art. 9 comma 2, L.R. n. 3/1989, gasi comente mudadu dae s'art. 4 de sa L.R. n. 9 de s'8.3.2020, pro coordinare sos interventos pro s'atuatzione de sas mesuras pro sa preventzione e sa gestione de s'emergèntzia epidemiològica dae COVID2019, su Presidente de sa Regione providit pro mèdiu de ordinàntzias e podet delegare su Direttore generale de sa protetzione tzivile chi traballat in regime istraordinàriu fintzas a s'iscadèntzia de s'istadu de emergèntzia de importu regionale;

RITÉNNIDU netzessàriu e urgente fàghere recursu a sos poteres istraordinàrios mentovados subra pro pòdere parare fronte in sa manera mègius a sa situatzione attuale de emergèntzia in atu in dèroga a sa normativa regionale vigente.

òrdinat

Art. 1) Su Direttore generale de sa protetzione tzivile de sa Regione Autònoma de sa Sardigna est

delegadu a su coordinamentu de sas componentes e istruturas operativas regionales de protetzione tzivile, pro parare fronte a s'emergèntzia chi naschet dae sos fatos mentovados subra e assegurare s'atuatzione prus efcatze de sas atividade de protetzione tzivile a suportu de sa sanidade.

Art. 2) Pro sas atidades fatas dae su Presidente de sa Regione Sardigna in calidade de sugetu atuatore in cunforma de su comma 1, art. 1 de su OCDPC 630/2020 e pro cussas de sas ordinàntzias in cunforma a de s'art. 32, comma 3, de sa lege n. 833/1978, in matèria de igiene e sanidade pùblica, su Direttore generale de sa protetzione tzivile est delegadu fintzas:

- a su coordinamentu de sos interventos de protetzione tzivile a suportu de sas atidades postas in èssere dae sa sanidade pro parare fronte a s'emergèntzia chi b'est;
- a sa gestione de sas resursas istantziadas a manera apòsita pro s'emergèntzia in chistione e funtzionales a sas atidades de protetzione tzivile;
- a sa gestione de sa contabilidade ispetziale intestada a su Presidente de sa Regione Sardigna, pro fàghere sas atidades chi pertocant sa gestione de s'emergèntzia in atuatzione de su cumbinadu dispostu in cunforma a s'OCDPC 630/2020, su DCDPC 627/2020 e s'OCDPC 639/2020 art. 3.

Art. 3) Su Direttore generale de sa protetzione tzivile, intesu su Presidente de sa Regione Autònoma de sa Sardigna, cunvocat su Comitadu operativu regionale (COR) e fissat s'ordine de traballos pro sa die pro assegurare su coordinamentu de sos interventos in sos setores de sa protetzione tzivile e de sa sanidade.

Art. 4) Su Direttore generale de sa protetzione tzivile, pro fàghere sas atidades de custa ordinàntzia, si avalet de su personale dipendente de s'Amministrazione Regionale, de sos Entes, de sos Istitutos, de sas Aziendas e de sas Agentzias regionales, de sas sotziedades in house controlladas dae sa Regione, contende fintzas su personale sebestadu pro sa gestione de àteras emergèntzias, pro prestare servìtziu pro sa Direzione generale de sa protetzione tzivile, fintzas in sa modalidade de traballu àgile e pro su tempus indicadu in su provedimentu de avalimentu e in sos limities màssimos de durada de s'istadu de emergèntzia regionale.

Art. 5) A su personale mentovadu in s'art. 4, fintzas cussu chi est de àteras Diretziones generales, impignadu in sas atidades de protetzione tzivile pro sa gestione de s'emergèntzia chi b'est, est reconnotu, dae su 31 de ghennàrgiu 2020, su cumpensu pro prestatziones de traballu istraordinàriu fatas segundu sas modalidades prevididas dae s'art 13 de sa lege regionale 23.12.2015, n. 35.

Art. 6) Pro garantire sa gestione prena e sa prosecuzione de s'emergèntzia e de sa fase post emergentziale, a su personale de sos art. 4 e 5, impignadu in turnos de traballu in sas salas operativas o sas istruturas istituidas a manera apòsita pro sa gestione de s'emergèntzia in chistione, est aplicadu s'art. 3 c. 1 de s "Acordu pro sos dipendenti de sa protetzione tzivile" sigladu dae su CORAN su 9 de làmpadas 2016, s'atividade fata dae cada dipendente in intro de sos turnos non podet colare sas 15 giorronadas in unu mese.

Art. 7) Su personale de sos art. 4 e 5 de custa ordinàntzia, impignadu in intro de su servìtziu de protetzione tzivile in cunforma a s'art. 26, comma 1, lit. d) de su CCRL de su 15.05.01 vigente e in dèroga a su limite istabilidu dae s'art. 36 de su CCRL ,matessi non podet colare sas 15 giorronadas su mese.

Art. 8) In esecuzione de custa ordinàntzia, su Direttore generale de sa protetzione tzivile, at a providire in cunforma a sos printzìpios generales de s'ordinamentu giurìdicu e de sas normas de

s'Unione europea, e in cunforma a sos printzìpios fundamentales de sa legislatzione istatale in sas matèrias de legislatzione cuncurrente, fintzas pro mèdiu de ordinàntzias de protetzione tzivile in dèroga a sa normativa regionale vigente.

Custa ordinàntzia est eficatze deretu e est publicada in su situ istituzionale de sa Regione. Sa publicazione tenet valore de notìfica individuale, a totu sos efetos de lege, pro totu sos sugetos coinvoltos.

Contra a custa ordinàntzia est ammissu recursu giurisditzionale in antis a su Tribunale Amministrativu Regionale in su tèrmine de 60 dies dae sa comunicatzione, o recursu istraordinàriu a su Cabu de s'Istadu intre su tèrmine de 120 dies.

Su Presidente
Christian Solinas